

立繳典盡根契字人後埔仔庄劉  
連生 仁 等有承祖父劉代明典過劉永達水田壹段址  
在溪洲仔洋土名炭藪仔抽出壹半在北畔東至陳家劉家田爲界西至牛路透過牛路  
下田壹坵亦在內南至中豎岸破烏樹下爲界北至劉家田厝爲界四至界址明白帶大  
圳水份灌溉充足經官丈肆分逐年配納課租銀捌錢捌分零壹毫伍絲今因乏銀費用  
自情愿將此水田壹半出爲繳典先盡問房親人等俱不欲承受外托中引就向與後埔  
仔庄張拱照官出首承爲繳典當日三面議定時值價銀叁佰玖拾大員平重式佰柒拾  
叁兩足正其銀即日仝中見交收足訖其水田壹半隨即踏明界址交付與銀主前去掌  
管起耕招佃收租納課自此壹出繳典盡割籐永斷日後仁等及子孫不得言贖滋事保  
此田係仁等承祖父明典與別房親人等無干亦無重張典掛他人財物及上手來歷不  
明等情如有此情仁等出首一力抵當不干銀主之事此係二比甘愿各無抑勒反悔口  
恐無憑今欲有憑立繳典盡根契字壹紙并上手陳家借字壹紙劉家盡根找契壹紙劉  
家典契壹紙合共肆紙付執爲炤

即日仝中見交收過繳典盡契內佛銀叁佰玖拾大員平重式佰柒拾叁兩正完足再炤

秉筆人 吳特清 (花押)

爲中人 曾登匏 (花押)

知見人 妻 陳氏 (花押)

明治叁拾陸年癸卯拾月

日立繳典盡根契字人劉

仁 (花押)  
連生 (花押)